

Competéncias esperadas a la fin del cicle 1:

Lo mainatge es capable de :

Descobèrta de l'escrit

Se familiarisar ambe l'escrit.

- Fargar un enonciat oral dins una forma adaptada per que pòt esser escrit per l'adult

Percebre, sentir, imaginar, crear

- Adaptar son gèst a las constrentas materialas

- Utilizar lo dessenh coma mejan d'expression e de representacion

- Realizar una composicion en plan o en volum en fonccion del desir exprimat

Nivèl : TPS - PS

Durada e luòc : 20 minutas dins la classa.

Objectiu general : Saupre contar una istòria a partir de son dessenh.

Objectius especificas :

Mestrejar e contròlar los gèstes.

Prene la paraula davant un adult o un grop en se faire comprene.

Balhar son sentit, son vejaire.

Vocabulari :

Lo vocabulari es variat en fonccion del dessenh fait pel mainatge.

Material :

Quasèrn de dessenh contat, gredons, kappla.

Caminament :

Moment collectiu (5 minutas)

Al canton. « Anam faire un dessenh dins lo quasèrn de dessenh contat. Anatz faire un dessenh. La regenta balha lo quasèrn un aprèp l'autra los mainatges devon legir lo nom pichon sul quasèrn. « Sus quin fuèlh cal dessenhar ? » Lo mainatge montra lo fuèlh blanc e pren lo quasèrn per se sietar a la taula.

L'ajuda mairala es aqui per verificar que los mainatges viron pas lo quasèrn e escrivon al bon endreit.

Moment individual (8 minutas):

Cada mainatge sietat pren un gredon e comença de dessenhar.

Quand es acabat, la regenta demanda al mainatge de contar son istòria. La regenta escrit lo tèxt en occitan e torna dire çò qu'es marcat. Quand lo tèxt es escrit lo mainatge va se sietar al canton.

Moment collectiu (7 minutas)

Al canton, los mainatges passan per descriure lo dessenh. La regenta ajuda la presentacion e balha de mots en occitan. la regenta pausa lo quasèrn sus la taula.

Quand los mainatges son passat la regenta balha dos Kapplas a cada mainatge. « Avètz dos kappla, podètz votar pels dos dessenh que vos an agradats. Avètz pas lo dreit de votar dos còp pel meteis dessenh. »

La regenta compta lo nombre de kapplas e montra a tota la classa lo dessenh elegit. Serà pegat sus la paret a l'endreit dessenh contat.

PI Lo dessenh contat FM.doc

Traça escrita :

Lo dessenh contat elegit serà pegat sus la paret a l'endreit dessenh contat.

Perlongaments possibles :

Fabricacion d'un jornal ambe los dessenh contats elegits.

Avaloracion :

Los mainatges sabon contar una istòria a partir de son dessenh.

Bilanç :

Lo bilanç es fait sul quasèrn de jorn pel regent.